

DIOSPITA YACHATSIKUNAPAQ

JUNIU 2014

9 DE JUNIU SEMÄNAPAQ

22 kaq canticu y mañaki

□ Bibliapita Yachakunapaq

lv 215 kaq päg.–218 kaq päg. (30 min.)

□ Yachatsikunapaq Diospa Escüelan

Bibliata leyinapaq: Levitücu 1-5 (10 min.)

1 kaq: Levitücu 4:16-31 (4 min. o mas wallkalla-chö)

2 kaq: Cristupa milagrunkuna (bm-18) (5 min.)

3 kaq: ¿Imanötaq casädu kawaki tikrarinman kimapashqa waskanö? (lv 10 kaq cap. 4-6 kaq pärrk.) (5 min.)

□ Diospa Gobiernupita Yachatsikunapaq

2 kaq canticu

15 min. ¿Yachatsikunqannöku rurëkanki? Kë discursuchöqa wiyaqkunapis parlarayämungam. Qepataraq yarqamushqa *Diospita Yachatsikunapaq* kaqpita jorqari kë yachatsikikunata: “Cällikunachö yachatsikunapaq mushoq yachatsikikuna” (km 7/13), “¿Mëqan publicacionkunaraq yanaparinqa?” (km 12/13) y “Cada killa revista chaskekunawan estudiuta qallashun” (km 1/14). Tsëpitanä, kë yachatsikikuna imanö yanapanqanta parlarayämunampaq tsëchö këkaqkunata niri.

15 min. “Agostu killaqa juk precisäq rurëmi kanqa.” Tapukikunawan respuestakuna, këtaqa ruramunqa yachatsikunqantsikta rikaq anciänüm. Tsëchö këkaqkunata, ¿*Mëchötaq tarishwan precisäq tapukikunapa respuestanta?* neq tratädun cada ünuta qori y imapita parlanqanta willakuri. Llapän territoriukunata imanö yachatsikuyänëkipaq kaqta willakuri.

107 kaq canticu y mañaki

nantsik juk precisäq rurëta rurarnin! Agostu killachömi entëru Patsachö juk mushoq tratäduwan yachatsikushun, tütulunqa ¿*Mëchötaq tarishwan precisäq tapukikunapa respuestanta?* ninmi. Kë tratäduqa leyeqkunatam animanqa tapukininkunapa respuestanta Bibliachö ashüyänampaq y Internetchö jw.org nishqan pägina imanö yanapanampaq kaqtapis musyaratsinqam.

² **Kushikipitam sinchipa qayariyarqan.**

Bautisakushqa publicadorkuna mas yachatsikuyänampaq yanapananrëkurmi, patsäsiyämushqa puëdeq kaqkuna agostu killachö 30 höras yachatsikurnin precursor auxiliarnö yanapakuyänampaq. Mëqanllapis Bibliata estudiëkätsinqëki o mëqan wamrëkipis publicador këtana puëdiptinqa, congregacionnikichö anciänupura rurayänanta rikaqwan parlari. ¿Tsë killachö publicador tikrayanqanqa pëkunata alläpachi kushitsinqa! Watachö ëka hörata yachatsikuyänampaq kaqta cumplirmi, mëtsikaq precursor regularkuna agostu killachö jamayan, peru itsa tiempunkunata alleq patsäsiyanman tsë precisäq rurëchö mas yanapakuyänampaq. Familiakunaqa kanampita patsënam alistakuyänan agostu killachö imanö yanapakuyänampaq kaqta, tsënöpa ‘Jehoväta alabar kushikipita sinchipa qayariyänampaq’ (Esd. 3:11; Prov. 15:22).

³ Pasaq watakunachö tsënö rurëkunachö yanapakushqa karpis, kë precisäq rurë mana qonqëpaq kanantam shuyarantsik. ¿Agostu killachö mas hörakunatsuraq yachatsikushun y mas publicadorkuna y precursor auxiliarkunatsuraq kayanqa? 2014 sirwina wata ushanqanmannö, ¿mana imëpis ruränqantsiknö agostu killa entëru Patsachö tsë precisäq rurëchö kallpachakunqantsikta, Jehovä bendicükutsun! (Mat. 24:14.)

2. ¿Imanötaq yanapakushwan agostu killachö ‘Jehoväta alabar kushikipita sinchipa qayarinapaq’?
3. ¿Imanö kanantataq shuyarantsik kë precisäq rurëpita?

Agostu killaqa juk precisäq rurëmi kanqa

Entëru Patsachömi juk mushoq tratäduwan yachatsikushun

¹ Diospa Gobiernun patsakanqan pachak watata cumplirinampaqqa ichikllanam pishin, ¿tsëmi alläpa precisan Jehoväta alaba-

1. Diospa Gobiernun patsakanqan pachak watata cumplinampaq ichikllana pishikaptin, ¿ima precisäq rurëtaq entëru Patsachö kanqa?

16 DE JUNIU SEMÄNAPAQ

48 kaq canticu y mañaki

□ Bibliapita Yachakunapaq

lv 8 kaq cap. 1-10 kaq pärrk. (30 min.)

□ Yachatsikunapaq Diospa Escüelan

Bibliata leyinapaq: Levitücu 6-9 (10 min.)

1 kaq: Levitücu 8:18-30 (4 min. o mas wallkalla-chö)

2 kaq: Kanan witsanyaq cumplikaq profecia (bm-19) (5 min.)

3 kaq: ¿Imanötaq rikashwan casädu kawëta? (lv 10 kaq cap. 7, 8 kaq pärrk.) (5 min.)

□ Diospa Gobiernumpita Yachatsikunapaq

37 kaq canticu

30 min. “Edäyashqakunata wätayänan wayikunachö täräqkunata ama qonqashuntsu.” Tapukikunawan respuestakuna. Y 4 kaq pärrafuta yachatsikikar, juk demostracionta ruraratsi ishkaq yachaq publicadorkuna, edäyashqakunata wätayänan wayichö encargäduwan grupipa estudiuta qallayänampaq permisuta mañakikar.

90 kaq canticu y mañaki

Edäyashqakunata wätayänan wayikunachö täräqkunata ama qonqashuntsu

¹ Mëtsikaqmi edäyëman charnin imëkapi-ta sufriyan (Ecl. 12:1-7). Edäyashqakunata wätayänan wayikunachömi wakinqa täräyan, tsëmi wayin wayin yachatsikoq ëwar-nin pëkunawan parlëta puëdintsiktsu. Wakin nacionkunachöqa costumbrim wamrankunawan o juk familiankunawampis edäyashqakuna täräyänan, peru tsë wayikunamanmi apayan. Tsë wayikunachö edäyashqqa täräqkunapita wakinkunaqa itsa wanayanqa shumaq cuidayänanta, porqui kikinkunallaqa itsa purita puëdiyannatsu o alleqllaqa yarpäyannatsu, peru tsënö karpis Jehoväpita yachakita y kuyëtapis puëdiyanmanmi. ¿Imatataq ru-

1. ¿Imanirtaq apashwan alli willakikunata edäyashqakunata wätayänan wayikunachö täräqkunaman?

rashwan ‘kushishqa shuyäkunqantsik’alli willakikunata apanapaq? (Titu 2:13, NM.)

² **Imanötaq rurashwan.** Edäyashqakunata wätayänan wayikuna ëka kanqanta musyana-paqa, “residencias de ancianos”, “clínicas geriátricas” o “asilos” neqtam, telëfonuyokunapa jutinkuna qellqaränan librukunachö o Internetchömi ashita puëdintsik. Yachatsikunqantsikta rikaq anciänum, tsë wayikunata watukaq ëwayänampaq alli yachaq publicadorkunata mandanqa. Shumaq patsätsir y Jehoväman markäkurqa manam sasatsu (ajatsu) kanqa grupipa Bibliapita yachatsinapaq patsätsi (Prov. 21:5; 1 Juan 5:14, 15).

³ Estudiuta imanö ruranapaqqa wayi imanö kanqampitam kanqa. Tsë wayichö atskaq edäyashqakuna täräyaptin y cuidaqkuna atskaq kayaptinqa, tsëchö imëka rurëkunata patsätseqwan parlarinapaqmi secretariata tapurishwan. Peru tsë wayi takshalla kaptin, edäyashqakuna wallkaqla y juk ishkëlla cuidaqkuna kayaptinqa, allichu kanman duëñuwan parlanapaq citata jorqanqantsik.

⁴ Imanö kaptimpis, Bibliapa willakïninkunapita parlëta y leyita gustaqkunata debaldilla yanapakoq kanqëkita willakë. Tapuri, tsëchö edäyashqqa täräqkunapita semänachö media höralla grupipa Bibliapita yachatsikita munaqkuna kanqanta. Tukiläya publicacionkunata utilisë. Mëtsikaqtaq yanapashqa *Bibliapita willakikuna willakoq librömi* y *El hombre más grande de todos los tiempos* nishqan librukuna. Itsa mas alli kanqa directortaraq publicacionkunata puntata rikäratsinqëki. Pëwanmi patsätsinkiman imë höra, imë junaq y mëqan sälachö juntakäyänampaq kaqta. Tsë wayichö imakunata rurayänampaq kaqta patsätsiyanqan progrämachömi tsëku-

2. ¿Imanötaq tarishwan edäyashqakunata wätayänan wayikuna ëka kanqanta watukaq ëwanapaq?

3, 4. a) ¿Piwantaq parlashwan grupipa Bibliapita yachatsikunapaq? b) ¿Imanötaq musyatsikushwan Bibliapita yachakë imanö kanqanta?

nata churayānan. Jehovahpa testigun kanqēkita musyatsiki. Directorta entienditsi religion asuntupaq parlaq mana ewanqēkita, sinōqa Bibliapita musyayānampaq yanapakoq ewanqēkita.

⁵ **Imanōtaq estudiuta dirigishwan.** Tsēqa kanqa wayi imanō kanqampita y edāyashqakuna imanō sientikuyanqampitam, tsēmi puēdiyanqanmannōlla pacienciawan yachatsinantsik. Estudiuta dirigeqqa estudiayānan publicaciontam atskata apanan y usharipinnam apakunan. Itsa wanaq kaqkunapapaq jatun letrayoqta apanman. Pärrafukunata o Bibliapa willakīnkunata leyita munayaptinga, allichi kanman puēdeq kaqkunata niringēki, y tsēpitanam tapukīkunata rurarin kiman. Kuyēllapa tratakoq y yachañllapaq kē estudiuta diriginqēki hōra. Directorwan parlarirnin, itsa Jehovahpa markan ruranqan vidēuta mēqanllatapis edāyashqakunata rikātsinkiman, tsēnōpa Bibliaman markākīnkunata sinchi kanampaq o Bibliapa willakīnkunapita mas yachakuyānampaq. Estudiutaqa qallankiman y ushankiman mañakīwanmi. Wakin publicadorkunapaq utilisāyashqam canticukunatapis.

⁶ ¿Imataraq rurankiman leyinqēkiwan o estudiuchō yachatsikunqēkiwan juk edāyashqamana acuerdu kaptin? Alleqraq pensē shumaq contestanēkipaq (Col. 4:6, NM). Itsa Bibliachō rikāratsinkiman tapukīnimparespuestanta. Tsēta rurēta mana puēdirqa, allim kanman tapukunqanta agradecirinqēki y estudiuta usharir ishkēkillata tsē asuntupita parlarianēkipaq añirinqēki.

⁷ Itsa hōraqa pillapis tapukunman y ima asuntupitapis maslla musyēta munanman. Tsēnō pasakuptinmi juk cristiāna kēnō contestan: “Tsēnō tapukunqēkiqa allāpa allim, peru ¿alliku kanman leyikanqantsikta usharir tsē tapukīnikipita parlarishqa?”. Tiempu-

5. ¿Imakunataq rurayanman estudiu shumaq entiendipaqnōlla y yanapakoq kanampaq?

6. ¿Imataraq rurankiman mēqan edāyashqallapis tapushuptiki?

7. ¿Imataraq rurankiman juk edāyashqapata pukīnin kaptin y maslla musyēta munaptin?

tam rakinantsik munaq kaqkunataqa japa llankunata Bibliapita yachatsinapaq.

⁸ Tsē wayichō estudiuta grupīpa dirigeq publicadorkunalla imēpis rurayānanmi mas allīqa kanqa. Llapankunam yachatsikuyanqan hōrata yupayānan. Grupīpa estudiu patsakāriptinqa, dirigeq publicadormi juk estudiuta yupanqa y cada watukarmi juk revisitata yupanqa. Peru puēdeq kaqkunata cada ünuta estudiuta dirigininqa imēpis rurayanqannōllam yupayanqa.

⁹ **Imēpis watukēkēlla.** Grupīpa estudiu imē junaq y imē hōra kanampaq kaqta patsātsi. Edāna yachakikaqkuna y cuidar trabajaqkunapis shuyarāyan lllapan semānakuna estudiuta hōranchō qallanēkita y ushanēkita (Mat. 5:37, NM). Tsēmi shumaq patsātsita y cumplita procurē. Juk sitiukunachō rurayanqankunam rikātsikushqa, grupīpa estudiuta dirigiyānampaq ishkaq publicadorkuna ewayanqan mas allī kanqanta (Ecl. 4:9, 10). Edāyashqakunata wātayānan wayikuna jatun kaptinqa, itsa mas publicadorkunata wananqa.

¹⁰ Jina allāpam precisan yachañepaq kanēki y nunakunaman interesākunēki (Filip. 2:4). Estudiuta qallanēki junaq lllapanta reqita procurē. Jutinkunata qellqē y manaraq estudiataseq kutirnin jutinkunata yarpēta procurē. Pacienciayoq y ankupākoq kaptikiqa, lllapanmi kushishqa y kuyashqa sientikuyanqa.

¹¹ Tsē wayikunachō trabajaqkunata y edāyashqakunapa familiankunata kuyakīwan y respētuan tratēta ama qonqētsu. Estudiu patsakashqana kaptinqa, manam directorwan manaraq parlarninqa estudiu imē rurakānampaq kaqta cambiarishwantsu. Jina tapupāri estudiu rurakēkanqan imanō yanapakīkanqanta. Edāyashqakunawan estudiēkaptiki familiankuna chāyāmuptinqa, pī

8. ¿Imanōtaq yupayanman grupīpa y cada ünuta estudiuta diriginin?

9, 10. willakaramī estudiuta dirigeqkuna imanō kayānampaq kaqta.

11. Estudiu dirigeqkuna, ¿imanōtaq trabajaqkunata y edāyashqakunapa familiankunata respētanqanta rikātsikuyanman?

kanqëkita willari. Imarëkur yachatsikunqëkita entiendiratsi. Familianman rasumpëpa interesakunqëkita niri y quedakuyänampaqpis invitari.

¹² **Imanö yarqunqan.** Tsënö estudiukunata dirigishqa congregacionkuna y congregacionkunata watukaqkunam alläpa alli yarqunqanta willakuyashqa. Juk edäyashqakunata wätayänan wayichömi, edäyashqakuna ishkë chunkanö ëllukäyarqan (qorikäyarqan) punta estudiومان, tsëkunapitam joqtaqa cada ünü Bibliapita yachakita munayarqan. Hasta juk warmipis bautisakurirqanmi. Jukchönäm, 85 watayoq warmita Bibliata estudianqan animarqan congregacionchö reunionkunaman ëwanampaq y bautisakita munanampaqpis. Jina jukchönäm, Jehoväpa testigunkuna grupipa Bibliapita yachatsikuyänanta michäyaptinmi edäyashqakunaqa directorman quejakuyarqan. Tsëmi, estidiu yapë patsakäriptinqa juntakäyarqan 25 a 30 edäyashqakuna.

¹³ Manam edäyashqakunallatsu kuyakoq kanqantsikta rikar espantakuyan. Höraqa tsëchö wakin trabaqkunapis estidiu höra quedakuyanmi y participäyanmi. Edäyashqakunata wätayänan wayikunachö täraqkunaman interesakunqantsikta rikarmi, tsë markachö nunakunapis Jehoväpa markampaq allita parlayan (1 Pëd. 2:12). Imarëkur Bibliapita yachatsikuyanqanta juk director ta entiendiratsiyaptinmi, pëqa kënö nirqan: “¿Imanirtaq demorayämurqunki? ¿Imëtaq këchö estudiuta rurar qallayanki?”. Juk directoranam kënö nir qellqarqan: “Kë markachö edäyashqakunata wätayänan wayikunachö grupipa estudiuta dirigiyanqanqa allichi kanman. Llapan markakunachömi Jehoväpa testigunkunaqa debaldilla Bibliapita yachatsikuyan”. Hawäi markachö juk edäyashqakunata wätayänan wayichömi, testigunkunata juk premyuta qoyashqa debaldilla yachatsikuyanqampita, tsë premyumanmi qellqayarqan, edäyashqakunapaq y

12, 13. Willakarami, edäyashqakunata wätayänan wayikunachö yachatsikuyaptin alli yarqupukuyanqampita.

tsëchö trabaqkunapaq cristiänukuna juk “alläpa väleq tesörünö” kayanqanta.

¹⁴ Jehoväqa edäyashqakunatam alabayänampaq invitan (Sal. 148:12, 13). Tsë invitacionqa edäyashqakunata wätayänan wayikunachö täraqkunapaqwanmi. ¿Markantsikchö tsënö wayikuna kanku, y tsëchö täraqkunata Bibliapita yachatsita puëdishwantsuraq? Congregacionchö anciänukunapa y tsë wayikunapa directornimpa yanapakininkunawanqa, itsa Bibliapita alleq yacharatsishwan. Edäyashqakunata mana qonqarqa, Jehovänömi rurëkäshun (Sal. 71:9, 18).

14. ¿Imanirtaq edäyashqakunata wätayänan wayikunachö täraqkunata Bibliapita yachatsita munantsik?

Edäyashqakunata wätayänan wayikunachö täraqkunata estudiuta dirigi

- Secretariata y ima rurëkunata patsätseq encargäduta, manaraq estidiuta qallarnin chanqëkita willari.
- Llapan estidiuqkunapaq juk bolsa llachö publicacionkunata apë y estudiuta usharina ëlluri.
- Kuyëllapa tratakoq kë, yachanëllapaq kë y estidiu höra shumaq kananta procurë. Edäyashqakunata jutimpa qayë.
- Yachakikäyanqëki publicacionta cada pärrafuta leyi y alleq entienditsi.
- Wallkallachö tapukuri. Llapankunata felicitäri parlarayarämunqampita.
- Mëqanllapis juk creenciapita tapukuptin o yachatsikunqantsikman mana creir kontrakuptinqa, estudiuta usharir tsë asuntupita parlapäri.
- Tsëchö trabaqkunapa o edäyashqakunapa familiampa tapukininkunata ichikllachö y cläru contestari.
- Edäyashqakunawan, familiankunawan y tsëchö trabaqkunawan estidiu biblicuta qallëta procurë.

23 DE JUNIU SEMÄNAPAQ

76 kaq canticu y mañaki

□ Bibliapita Yachakunapaq

lv 8 kaq cap. 11-18 kaq pärrk. (30 min.)

□ Yachatsikunapaq Diospa Escüelan

Bibliata leyinapaq: Leviticu 10-13 (10 min.)

1 kaq: Leviticu 12:1–13:8 (4 min. o mas wallkallachö)

2 kaq: Cristu këkämunqanna señal (*bm-19* recuadru) (5 min.)

3 kaq: ¿Ima yanapakitaq kan alli majata akranapaq? (*lv* 10 kaq cap. 9-12 kaq pärrk. y recuadripitawan) (5 min.)

□ Diospa Gobiernumpita Yachatsikunapaq

82 kaq canticu

10 min. Juliu killachö ima publicacionwan yachatsikunapaq kaq. Wiyaqkunapis parlararayämunqam. Tsë killakunachö yachatsikunapaq follëtu imapita parlanqanta raslla rikätsikuri. Juk o ishkë demostracionta ruraratsi.

20 min. “¿Imanötaq yanapashwan ichiklla leyita yachaqkunata?” Tapukikunawan respuestakuna.

55 kaq canticu y mañaki

¿Imanötaq yanapashwan ichiklla leyita yachaqkunata?

¹ Wakin nunakunaqa Diospita masllam yachakita munayan, peru leyita mana alläpa yacharmi, Bibliata y wakin librukunata leyita mantsayan. Tsëmi, itsa allitsu kanman qallananllachöqa *Yachatsikun* libruta qorinqantsik. ¿Imanötaq Diospa kaqchö yanapashwan tsënö nunakunata? Ishkë chunka nacionkunachömi yachaq publicadorkunata tsëta tapuyashqa, tsëmi imanö ruranapaq kaqta musyatsikuyarqan, tsëkunata rikärishun.

² Juk estudianti ichiklla leyita o mana yachaptinqa, *Diosta wiyaki* o *Diosta wiyaki imëyaqpis kawakunëkipaq* follëtuwan es-

1. ¿Imanirtaq sasaraq ichiklla leyita yachaqkunata Bibliapita yachatsinan?
2. ¿Ima alli yanapakikunataq kan ichiklla leyita yachaqkunata yanapanapaq?

tudiu qallëta puëdishwanmi. Estädu Unidus nacionchömi juk precursor, nunakunata kë ishkan follëtukunata rikäratsir tapurin mëqanwan yachakita munanqanta. Kenia nacionchö sucursalmi willakun kë publicacionkunaqa alläpa yanapakunqanta, porqui Africachöqa nunakuna yachakuyan manam tapukikunawan respuestakunawantsu. Estudiashqa nunapaqqa itsa fäcil-lla leyinapaq y tapukita contestanapaq kanqa, peru ichiklla leyita yachaqpaqqa itsa fäciltsu kanqa. Mëtsikaq publicadorkunam estudianti ichiklla leyita yachaptinqa, *Diospa alli willakininkuna* o *Diospa amigon kashwanmi* follëtukunawan o *Bibliapita willakikuna willakoq libromi* neq libruta utilisäyan.

³ **Kallpata qoy.** Itsa leyita mana yachaqkunataq penqakuyanqa y mana precisäyanqanta pensayanqa. Estudianqantsik höra alli sientikunanta yanapanqantsikmi, Bibliapita mas yachakunapaq yanapakunqa. Mëtsikaq mana leyita yachaqkunam raslla yachakuriyan. Tsëmi, respëtuwan y kuyëpa tratanëki (1 Pëd. 3:15). Kallpachakuyanqampita y Diospa kaqchö poqikayanqampita imëpis felicitë, tsëmi yanapanqa yachakur siguiyanapaq.

⁴ Estudianti ichiklla leyita yachaptimpis, preparakunapaq animë. Sudafricapita wakin publicadorkunaqa, estudiantinkunatam niyan preparakur yanapayanapaq leyita yachaq familiankunata o amigunkunata mañakuyanapaq. Gran Bretañachönam juk publicador, estudiantinkunata yachëkätsirnin wakin pärrafukunachöqa librunta mañarin, preparakunqanta rikar estudiantin, respuestata mas fäcil-lla tarina kanqanta cuentata qokunapaq

3. ¿Imatataq cuentaman churashwan leyita mana yachaqkunata shumaq yachatsinapaq?
4. ¿Imanötaq animashwan ichiklla leyita yachaqkunata preparakuyanapaq?

y pëpis preparakita yachakunampaq. India nacionpita juk wawqim, estudiantinkunata shamoq semänachö yachakuyänampaq kaqpita dibüjukunata rikäratsin y manaraq kutiptin tsëman yarpachakunampaqmi nirin.

⁵ **Pacienciayoq kë.** Utisëkanqëki publicacionpa precisäq yachatsikininkunata estudiantita shumaq entiendinampaq yanapë. Qallananchöqa itsa mas allikanqa 10 a 15 minütulla yacharatsinqëki. Ama atskata yachatsita procurëtsu, sinöqa juk ishkë pärrafukunallata yacharatsi. Estudianti leyita demoraptinqa pacienciayoq kë. Jehovahäta kuyanqanmi yanapanqa, mas allileyita yachakunampaq. Tsëmi Jehovahäta mas kuyanampaqqa, yachatsir qallanqëkipita patsë reunionkunaman invitanëki.

⁶ Estudiantiqa Diospa kaqchö ras poqunqa, alleq leyita yachakurmi (Sal. 1:1-3). Mëtsikaq publicadorkunam estudiuta cada usharir, *Qellqeta y leita yachakunëkipaq* neq follëtuwan juk rätau yanapayan. Estudianti qelanaptinqa, itsa yanaparinkiman wakïn rurëkunachö allileyita yachakunqankunata yarpätsir. Kallpachakunqanta Jehovahä bendicinampaq kaqta niri y yanapakininta mañakunampaq animari (Prov. 16:3; 1 Juan 5:14, 15). Gran Bretaña nacionchö wakïn publicadorkunam estudiantinkunata animayan rurëta puëdiyänampaqnö rurëta churapakäyanqampaq. Tantiyarinapaq, letrakunata yachakita, Bibliapa versü-

5. ¿Imanötaq pacienciayoq kashwan estudiuta dirigirnin?

6. ¿Imanötaq leyinampaq pitapis yachatsishwan?

culunkunata tariyänampaq y leyiyänampaq, y tsëpitana fäcil-lla entiendina publicacionkunata leyiyänampaq. Höraqa leyinampaq pitapis yachatsirqa, leyita munanampaqmi **yanapanantsik.**

⁷ Jehovahäta precisäqqaqmi churan ichiklla leyita yachakunata (Job 34:19). Shonqunkunachö ima kanqantam pëqa rikan (1 Crön. 28:9). Tsëmi jaqinantsiktsu ichiklla leyita yachakunata Bibliapita yachatsita. Mëtsika yanapakikunam kan yachatsir qallanapaq. Tiempuwanqa, *Yachatsikun* libruwanam yachatsir qallëkush-

wan, tsënöpa estudianti Bibliapita mas alleq entiendinampaq.

7. ¿Imanirtaq ichiklla leyita yachakunata Bibliapita yachatsir jaqishwantsu?

Leyita mana yachaptinqa, ¿imanirtaq kënö rurankitsu?

- Qallananllachöqa, *Diosta wiyaki, Diosta wiyaki imëyaqpis kawakunëkipaq* follëtukunata o yanapanëkipaqnolla juk publicacionkunata utilisë.
- Respëtuwan tratë y imëpis felicitë.
- Ama atska tiempu ni atska yachatsikitaqa juk estudiullachö yachatsitsu.
- Mas allileyinampaq yanapë.

Masta yachakita munanqanmannö y gustanqanmannömi, *Yachatsikun* libruwanam yachatsita puëdinki.

30 DE JUNIU SEMÄNAPAQ

66 kaq canticu y mañaki

□ Bibliapita Yachakunapaq

lv 8 kaq cap. 19-26 kaq pärrk. y 94, 96 kaq pägk. recuadrukunapitawan (30 min.)

□ Yachatsikunapaq Diospa Escuëlan

Bibliata leyinapaq: Leviticu 14-16 (10 min.)

Yachatsikunapaq Diospa Escuëlampita yarpänapaq (20 min.)

□ Diospa Gobiernumpita Yachatsikunapaq

58 kaq canticu

10 min. “Yachaki munaqkunata ras yanapashun.” Discursu. Usharinëkipaqna, juliu killapa qallanan säbaduchö estuidiu biblicuta imanö qallanantsikpaq 8 kaq päginachö ninqannö juk demostracionta ruraratsi.

20 min. Japallantsik estudianqantsikmi yanapamantsik mas alli yachatsikoq kanapaq. Këqa kanqa *Beneficiése* librupitam. (27 kaq päg. hasta 32 kaq päg.) Imëpis japallanlla Bibliapita estuidiaq publicadorta tapuri.

69 kaq canticu y mañaki

Yachaki munaqkunata ras yanapashun

Internet päginantsikchö imëka cambiuku-na kanqampita patsëmi, Bibliapita yachakuyänampaq mañakuyanqan alläpa mirashqa, y cällikunachö yachatsikunapaq mushoq yachatsikikunapis yanapakushqam. sucursalchömi tsë mañakikunata raslla atiendiyan. Tsëmi jw.org nishqan päginapa chaskirninqa, sucursalqa juk ishkë junaqkunallachömi, estudiuta mañakoqpa amänunchö këkaq congregacionpa anciänunkunata musyaratsin. Peru willakayämushqam hörataqa Bibliata estudiëta munaqkunata juk Testigu watukanampaqqa atska semänakunaraq pasanqanta. ¿Imanötaq ras yanapashwan yachaki munaqkunata? (Mar. 4:14, 15.)

Yachakita munaq nuna congregacionnikipa territoriunchö mana taraptinqa, *Sírvasse visitar* (S-43) formulariومان qellqari y congregacionpa secretariunta **qateqnin reunionchö entregari**. Pënam, manaraq **ishkë junaqpis** pasaptin, yachakita munaqpa amänunchö këkaq congregacionman o sucursalman apatsinqa jw.org päginantsikchö *Con-*

gregación neq kicharir tsëman qellqarir. Anciänukunaqa imëpis yëkikäyänanmi Internetchö päginantsikman. Juk nuna Bibliapita yachakita munanqanta willariyëshuptikiqa, **rasllam** atiendiyänëki. Watukanampaq carguta chaskeq publicadorqa rasllam watukanan, y wayinchö mana tarirqa, mëchö taranqanta y telëfonumpa nümerunta juk papelchö qellqarir jaqirinman.

Yachatsikunapaq Diospa Escuëlampita yarpänapaq

2014 wata 30 de juniu semänachömi, kë jawanchö këkaq tapukikunapita Yachatsikunapaq Diospa Escuëlan reunionchö yachakushun.

1. ¿Imanirtaq alläpa precisan kushiki asuntuchö Exodu 23:2 textu wiyakunantsik? [5 de mäyu, w11 1/7 12, 13 kaq pägk. 3-7 kaq pärrk.]
2. ¿Imanirtaq alläpa precisarqan Jehoväpaq sacrificiukunata manaraq rurarnin sacerdotikuna paqakuyänan? ¿Imanirtaq tsëno rurayanqanqa juk precisaq yarpätsiki noqantsikpaqpis? (Ex. 30:18-21.) [19 de mäyu, w96-S 1/7 9 kaq päg. 9 kaq pärr.]
3. ¿Imanirtaq Jehovä Aaronata castigarqantsu örüpita wishita rurashqa këkaptimpis? (Ex. 32:1-8, 25-35.) [19 de mäyu, w04-S 15/3 27 kaq päg. 4 kaq pärr.]
4. ¿Imachötaq igualayan uli dioskunata adoraqkunawan mana casakuyänampaq israelitakunata mandanqan ley, kanan witsan cristiänukunapaq noviu këpaq y casaki asuntupaq yachatsikikuna? (Ex. 34:12-16.) [26 de mäyu, w89-S 1/11 20, 21 kaq pägk. 11-13 kaq pärrk.]
5. ¿Imanirtaq alläpa animamantsik Bezalel y Oholiab rurayanqankuna? (Ex. 35:30-35.) [26 de mäyu, w10 1/9 13 kaq päg. 13 kaq pärr.]
6. ¿Imatataq sacerdotikunapa mandaqnikuna peqankunachö “Jhoväta respetayänan seña” apayanqan yarpätsikoq? ¿Imatataq yachatsimantsik tsë seña Jhovällata sirwinapaq änikunqantsikpita? (Ex. 39:30.) [2 de jun., w01-S 1/2 14 kaq päg. 2, 3 kaq pärrk.]

7. Juk cristiänu jutsata ruraptin, ¿ima precisaq rurëtaq kapamantsik llapantsik cristiänukunapaq? (Lev. 5:1.) [9 de jun., w97-S 15/8 27 kaq päg.]
8. ¿Imarëkurtaq israelitakuna rurayaq sacrificios de comunión nishqanta? ¿Kanan witsanqa imatataq rikätsikun? (Lev. 7:31-33.) [16 de jun., w12 1/1 21 kaq päg. 11, 12 kaq pärrk.]
9. ¿Ima jutsataraq Aaronpa tsurinkuna Nadabwan Abihü rurëkuyarqan? ¿Imatataq yachakuntsik tsë willakipita? (Lev. 10:1, 2, 9.) [23 de jun., w04-S 15/5 22 kaq päg. 6-8 kaq pärrk.]
10. ¿Imanirtaq juk warmi wamranta qeshpikurir “rakcha” tikraraq? (Lev. 12:2, 5.) [23 de jun., w04-S 15/5 23 kaq päg 2 kaq pärr.]

Imanö yachatsikunapaq

¿Imanötaq estudiantu biblicuta qallashwan juliupa qallanan säbadu?

“Llapan vecinukunawanmi juk precisasq tapukipita parlëkäyã. [Mäyu-juniu *Täpakoq* revistapa 11 kaq päginanta rikäratsi.] ¿Ima ninkitaq?” Shuyäri contestashunëkita. Punta kaq tapukipita yacharatsi, y nikurna mëqan textullatapis leyirapë. Revistan qori y qateqni kaq tapukipita kutirnin yacharatsinëkipaq niri.

TÄPAKOQ Juli-agostu

“Mëtsikaq nunakunam shamoq tiempuchö pasakunampaq kaqta musyëta munayan. Qamqa shamoq tiempu, ¿imanö kanantataq pensanki? ¿Mas allitsuraq o peortsuraq kanqa? [Shuyäri contestashunëkita. Nikurna “Shamoq tiempupaq Dios musyatsikunqan” recuadrupita juk textullatapis leyirapë.] Kë revistam yachatsikun shamoq tiempuchö pasakunampaq kaqta Dios musyatsikunqampita y imanir tsënö pasakunampaq kaqta següru kanapaq.”

Alli ruranqantsik

Kananyaqqa 79 congregacionkuna y 86 grüpukunam kan nacionnintsikpa pitsqa quechuankunachö. Jina kammi tsëraq formakashqa grüpukunapis y ichikllachönam reconocishqa kayanqa. Tsëmi rikätsikun mañakinintsikunata Jehovã contestëkamunqanta y cosëchaman mas trabajaqkunata kachëkamunqanta.

7 DE JULIU SEMÄNAPAQ

63 kaq canticu y mañaki

□ Bibliapita Yachakunapaq

lv 9 kaq cap. 1-12 kaq pärrk. y 101 kaq päg. recuadrupitawan (30 min.)

□ Yachatsikunapaq Diospa Escuëlan

Bibliata leyinapaq: Leviticu 17-20 (10 min.)

1 kaq: Leviticu 19:19-32 (4 min. o mas wallkallachö)

2 kaq: Cristu wanunqan (*bm-20*) (5 min.)

3 kaq: ¿Imanötaq Proverbios 24:27 textu yanapanman casaki munaqkunata (lv 10 kaq cap. 13-15 kaq pärrk.) (5 min.)

□ Diospa Gobiernupita Yachatsikunapaq

14 kaq canticu

10 min. Juliuchö revistawan imanö yachatsikunantsikpaq. Wiyaqkunapis parlakarayämunqam. Kë päginachö ninqannö, revistawan imanöpis yachatsikunapaq ishkë demostracionta ruratsirnin yachatsikur qallari. Tsëpitana “Imanö yachatsikunapaq” neqpita ichikllapa ichikllapa yachatsikuri. Y usharinëkipaqna, revista-pita alli yachakikur kushi kushilla yachatsikuyänampaq llapankunata animari.

10 min. Ruranantsikpaq pishinqankuna.

10 min. ¿Imanötaq ruranqantsikkuna yarqapamarqantsik? Kë discursutaqa congregacionpa secretariunmi ruraramunqa y wiyaqkunapis parlakarayämunqam. Jesus Wanunqan Yarpë witsan allita rurayanqëkikunapita willakuri y congregacionta felicitäri. Jina invitakur o precursor auxiliar karnin imëka allikunapa pasayanqanta willakarayämunampaq nir.

123 kaq canticu y mañaki

Willakikuna

■ **Juniuchöqa** yachatsikushun: *Rasumpëpaqa, ¿imatataq Biblia yachatsikun?* libruwan o 2013 wata jatun asambleachö yarqamoq mëqan tratäduknawampis. **Juliuchönam:** *Diospa alli willakininkuna* follëtuwan. **Agostuchönam:** Ichikllachönam sucursalkunaman mushoq tratäduta imanö utilisänapaq kaqta mandayämunqa jw.org päginantsikta musyatsikunapaq. Y **septiembrechönam:** *Täpakoq* revistawan.

■ 2014 sirwina wata ushëpita patsëqa, Precursorkunapaq Escuëla rurakanqa joqta junaqkunallanam, lünispita säbaduyaq.



km14.06-QUN Pe
140313